

cole a cole

IES RAMÓN OTERO PEDRAYO

DE ACTUALIDADE

Tradición e innovación

IES RAMÓN OTERO PEDRAYO: centro de referencia e gran prestixio en Ourense



Os principais obxectivos do IES Ramón Otero Pedrayo son: diminuir o fracaso escolar e mellorar o rendemento académico do alumnado, diminuir o absentismo dos alumnos e das alumnas, favorecer a convivencia entre todos os membros da comunidade educativa, fomentar comportamentos e hábitos saudables, abrir o centro ó contorno e facilitar o emprego das novas tecnoloxías ó alumnado do centro.


Entre os servizos que ofrece este prestixioso centro de ensino público encravado no Casco Vello de Ourense, a rente do Xardín do Posío, está a formación de gran calidade para os alumnos/as cun grupo humano de grandes profesionais do ensino e unhas instalacións nas que, ademais das aulas, destacamos o patio descuberto, o pavillón polideportivo, o ximnasio, os laboratorios de Bioloxía e Xeología e de Física e Química, a Biblioteca, unha cafetería, dúas aulas de informática e un taller de Tecnoloxía e de Plástica. Pero, sobre todo, o magnífico Paraninfo, que se pode alugar


para actos culturais e académicos.

O IES Otero Pedrayo está a traballar nunha ampla variedade de proxectos, destacamos: aulas sen fume da Consellería de Sanidade e Proxecto Centros Activos e Saudables da Consellería de

"O Paraninfo pódese alugar para actos culturais"

Presidencia. Ademais os estudiantes participan en diversos concursos académicos como a Olimpiada Matemática, o Canguru Matemático, a Olimpiada de Física e Química e a Olimpiada de Bioloxía, na que un estudiante deste centro foi un dos tres gañadores da fase galega que se celebrou en Vigo o pasado 12 de xaneiro deste mesmo ano, e que vai representar a Galicia na fase nacional. Tamén en diversos concursos como son os de robótica, os da Constitución, etc...





No IES Ramón Otero Pedrayo destacamos o patio descuberto, o pavillón polideportivo, o ximnasio, os laboratorios de Bioloxía e Xeoloxía e de Física e Química, a Biblioteca e o Paraninfo.

Son moitas as actividades complementarias e extraescolares que se levan a cabo no IES Otero Pedrayo, visitas a exposicións, fábricas e diversas empresas, roteiros, obras de teatro e saídas culturais para coñecer diversos rincóns da nosa xeografía.

É importante sinaliar que tamén participan nun intercambio cun centro educativo da Bretaña francesa no que os estudiantes de francés visitan esa rexión e tamén París.

O director do IES Otero Pedrayo, Juan Saco, destaca do centro: "Os bos profesionais que nel traballan, a súa situación no casco histórico da cidade e a súa historia e antigüidade. Dende finais do século dezanove e ata hai 50 anos era o único centro de educación secundaria da provincia. O seu fermoso edificio histórico conta con salas dignas de admiración como a nosa Biblioteca e o Paraninfo, que ten unha gran acústica e unha nova dotación de son, que o converte nun magnífico espazo para actividades educativas e culturais". Nas súas aulas, corredores e claustros permanecen os recordos imperceptibles de numerosas promociones de alumnos e mestres entre os que sobresaeñ nomes como Saco e Arce, Julián Besteiro, Otero Pedrayo, Vicente Risco, Marcelo Macías...



Javier Pérez Martínez gañador da olimpíada de Bioloxía na fase galega. Vai representar a Galicia na fase nacional.



FICHA DO CENTRO

CENTRO
IES Ramón Otero Pedrayo
ALUMNOS
847

PROFESORES: 74
OFERTA EDUCATIVA
ESO, Bach, Ciencias e de Humanidades e Ciencias Sociales e Ed. Secundaria para Adultos.



DIRECCIÓN
Padre Feijoo, 12
WEB: <http://centros.edu.xunta.es/iesotero-pedrayo.ourense/>
CORREO
ies.otoero.pedraio.ourense@edu.xunta.es
TELÉFONO
988 22 02 47



Os estudiantes gozan das fabulosas instalacións para o tempo de lecer do IES Ramón Otero Pedrayo.